



EBAZPENA, 2015EKO UZTAILAREN 28KOA, JUSTIZIA ADMINISTRAZIOKO ZUZENDARIARENA, EUSKARA-IKASTAROAK 2015/2016 EGITEKO ONARTUTAKOEN ETA BAZTERTUTAKOEN BEHIN-BEHINEKO ZERRENDA ARGITARA EMATEN DUENA

Justizia Administrazioako langileen euskarazko hizkuntza-gaikuntza sustatu eta bultzatzeko asmoz, zuzendaritza honek 2015/2016 ikasturterako eskaintza egin du.

Ebazpen honen bidez **euskara-ikastaroak egiteko onartutako en eta baztertutako en behin-behineko zerrenda** onartzen da, zeina ebazpen honi eranskin bezala atxikitzen zaion.

Egindako deialdia betez, oro har organo judizial bereko plantillaren %30ak baino ez du lanorduetan 2 orduko ikastaroetara joaterik izango, berdin 5 orduko ikastaroetarako ere. %30 hori neurtzeko, kokaleku desberdinetan dauden eta bereiztutako zerbitzuak ematen dituzten organo-unitateetan, ehunekoa unitate txiki horietako bakoitzean ezarriko da.

Deialdian ezarritakoa betetzeko asmoz, hona hemen zuzendaritza honek zerrendak egiteko jarraitutako lehentasun- eta baztertze-irizpideak, kode bidez laburturik eta kontuan hartutako ordenean:

Kodea	Irizpidea
1	Lehentasuna izango du bereiztutako dotazioa duen langileak eta bere kidegoari dagokion hizkuntza-eskakizuna egiaztatu gabe duenak. Ondoren lehentasuna izango du beren lanpostuari dagokion hizkuntza-eskakizuna esleitzeko eskatzen duenak (bere kidegoari dagokion hizkuntza-eskakizuna edo horren baliokidea lortu arte).
2	Lehentasuna izango du lehentasunezko zat jotako organo, zerbitzu edo unitateetako langileak, horiek identifikatzen direnean.
3	Lehentasuna izango du bere kidegoari dagokion hizkuntza-eskakizunetik hurbilen den euskara-maila duen langileak. Kidegoari dagokion hizkuntza-eskakizuna edo horren baliokidea lortzen duenean, lehentasun hori galduko du.
4	Lehentasuna izango du euskararen erabilera sustatzeko programetan parte hartzen duen langileak. Kontuan izango da aurreko ikasturtean euskara-ikastaroetan, Orekaon ikastaroetan... ibili den, betiere aprobetxamendu ona izan badu.
5	Lehentasuna izango du destinoko zentroan antzinatean handiena duen langileak.
6	Lehentasuna izango du aurreko ekitaldietan eskainitako ikastaroetan aprobetxamendu onena izan duen langileak.
7	Lehentasuna izango du langile gazteenak, aurretik aipatutako irizpideak nahiko ez badira.



5 orduko ikastaroa egiteko baimenik ez emateko arrazoi bereziak hauek dira:

8	Karrerako funtzionarioa ez izatea 5 orduko ikastaroa egin ahal izateko.
9	Kidegoari esleitutako hizkuntza-eskakizuna edo baliokide den maila gainditua izatea.
10	Aurreko ikasturtean euskara-ikastarorik egin ez izana.
11	Eskatzen den gutxieneko euskara-maila ez izatea.
12	Irizpide akademikoen arabera, kidegoari esleitutako hizkuntza-eskakizuna lortzeko nahikoa izatea lauhileko bakar batean liberatzea.

Autoikaskuntza ikastaroa egiteko baimenik ez emateko arrazoi bereziak hauek dira:

13	Karrerako funtzionarioa ez izatea autoikaskuntza ikastaroa egin ahal izateko.
14	Beste ikastaro mota bat egiteko ezintasuna ez egiaztatzea.

Udako ikastaroa egiteko baimenik ez emateko arrazoi bereziak hauek dira:

15	Karrerako funtzionarioa ez izatea ikastaroa lanorduetan egin ahal izateko.
16	Organo judizialeko arduradunaren oniritzia lortu ez izana ikastaroa lanorduetan egin ahal izateko.
17	Kidegoari esleitutako hizkuntza-eskakizuna edo baliokide den maila gainditua izatea.
18	Aurreko ikasturtean euskara-ikastarorik egin ez izana.
19	Ikastaroa behar bezala garatzea eragozten duen egoeraren batean (lanaldi-murrizketa...) egotea.

Azkenik, bestelako baztertze-irizpide batzuk ere ezarri ahal izango dira:

20	Lanpostu hutseko bitartekoa ez izatea ikastaroa lanorduetan egin ahal izateko.
21	Aurreko ikasturtean aprobetxamendua bete ez izana (asistentzia / urratsa). Ikaslearen ikasketa-ibilbidea.
22	Justizia Administrazioan momentu honetan lan ez egitea.
23	Ebazpena argitaratu aurretik eskatzaileak berak eskatutako ikastaroari uko egin izana.
24	2013/2014 eta 2014/2015 ikasturteetan ikastaroari uko egin izana.
25	Mailaketa-proba egiteko zain egotea.
26	Mailaketa-proba/sarrera-proba ez egitea eta ez justifikatzea.
27	Eskatutako modulua deialdiaren eskaintzarekin bat ez etortzea.
28	Euskaltegia eta lantokia urrun egotea (20 minutu baino gehiago).
29	Zerbitzu-betebeharrak egotea.
30	Eskaera epez kanpo aurkeztu izana.
31	Bulego Judizial Berrian hizkuntzagatik bereizitutako dotazioa hautatu ez izana, aukera izan arren.

Interesdunek **20 egun naturaleko epea** izango dute, ebazpen honen argitaratze dataren hurrengo egunetik zenbatzen hasita abuztuaren 17ra bitartean (biak barne), zerrendako datuei buruz behar bezala dokumentaturiko erreklamazioren bat egin nahi badute Justizia Administrazioko Zuzendaritzan.

Era berean, organo judizial bereko plantillaren %30eko muga ezartzearen ondorioz lanorduetako ikastaroetarako baimenik jaso ez duten eskatzaileek **lanorduz kanpoko ikastaroa** eskatu ahal izango dute. Horretarako epea ere **ebazpen honen dataren hurrengo egunetik zenbatzen hasita abuztuaren 17ra bitartekoa (biak barne)** izango da.

Guardiak eta euskara-ikastaroetara joateagatik sortutako eskariak kontuan izanda, beharrezkoa da hurrengo adieraztea:

- 5 orduko ikastaroa egiteko baimena lortu duen funtzionarioak **guardiak** egin ahal izango ditu. Titularra guardiak egiteko prest ez balego, ordezkioak egingo lituzke. Edonola ere, ezin izango dituzte biek egin.
- 2 orduko ikastaroa egiteko baimena lortu duenak **guardiak osorik** egin beharko ditu, eta ikastaroetara ez joateagatik asistentzia falta justifikatuta geratuko da ofizioz.

Dagozkion ondorioetarako jakinarazten da.

Vitoria-Gasteizen, 2015eko uztailaren 28an



Jon Arturo Uriarte Unzalu
JUSTIZIA ADMINISTRAZIOKO ZUZENDARIA